



Комсомолонь ВАЙГЯЛЬ

ОД АКТИВТИ— БОЛЬШЕВИСТСКИЙ ЛЕЗКС

Ленинско-Сталинский комсомолсь, строямок эсь работанц ВЛКСМ-нь ЦК-ть XI пленумонц решениянзон коряс, максси огромная возможность эрь комсомолецть самостоятельность кели инициативанцы.

Йотай отчетно-выбортай кампаниясь выдвинул руководствас аф аныцек од актив, но и таргась комсомольский эряфс тьожатть инициативнай, энергичнай комсомолецт и комсомолкат, конат способнайть активна лездомс коммунистический партияти государственнай вопросонь разрешенияса.

Башка эряви отметить сянь, што руководящай комсомольский оргаттненди выдвинутайхть лама стирнят. Тяфта, например, Мельцанский районца руководящай комсомольский органу кочкаф 35 стирня, Торбеевань районца—38 од комсомолка. Аф фкя стирня районнай комсомольский конференцияне кочкасть райкомонь секретарькс, кода, например, Кадошкинаса, Ширингушса, Мельцанца.

Комсомолть руководствас сась од актив, кона призваннай лездомс партияти коммунистический обществань строительства. Но эряви мяляфтомс, што тя активсь од, тейнза тяникиге эряви максомс эрявикс лезкс. Аф калдяв, мзярда кой-кона секретарьне тиендсть ни собеседованият первичнай комсомольский организациянь руководителхнень мархта, прививандакшнихть практический работань навыкт. Но аф сембе райкомонь секретарьне практиковандакшнихть собеседованият первичнай комсомольский организациянь секретарьхнень мархта. Тяфта, например, Зубово-Полянаса, Торбееваса, а тяфтажа Мельцанский районца ичкозе ащи колхознай и школьной первичнай комсомольский организациятнень секретарьснонды райкомонь работникне ашеть макссе практический указаният, конкретнай лезкс. Ся нинге аф сембе, што од комсомолецть выдвинуть руководствас, тейнза эряви постояннай, терпеливай вниманиа. Тянь эряви шарькодемс и направлять эрь комсомольский организациятнь сянди, штоба сон вятель решительнай тюрема труддисциплинань нарушителхнень, разлагательхнень, летутнень и прогульщикнень каршес.

Мордовиянь комсомольский организациятнголе тьяи ащи боевой первоочередной задача—аделама по-большевистски сыоронь урядамать, вишкоптемс госпоставкань максомать, примсеком активнай участия сембе хозяйственно-политический кампаниятнень йотафтомасост.

Извещения

1940-це кизонь сентябрь 27-це шистонза 6 часта илять Советонь кудса панжеви ВЛКСМ-нь Мордовский областной VII-це конференциясь. Делегатне зарегистрировандахть ВЛКСМ-нь областной комитетса сентябрь 27-це шистонза шовдава 10 частста сявомок шить 5 частс модемс.

ВЛКСМ-нь обкомсь.



Литовский ССР-нь ошнень эзга (Советский властть установиндамстонза сявомок) кармасть лисендема лама газетат.

СНИМКАСА: Мясокомбинатонь работницатне (Каунас ошса) обеденнай перерывста лувондыхть „Труженик“ газетат, кона ушедсь нолявома Каунас ошса. Фотось Д. Черновть. (ТАСС-ть фото-клишец).

Ф. И. Беззубова.

Сказительница-орденоносца

ОРДЕНТЬ ИНКСА

Сире яксярга якай кавлава, *)
Яксяргсь уенди моря крайнява.

Яксяргсь толгат-пухт кочки-
пуропни,

Яксяргсь щась-карьась ламбе
пухсонза,

Вельхтась пациязон сон од
толгаса.

Лий вельксанза полк од мацень
— „Ков тон, яксярга, кочксит

толганят?

Ков од пухса тон тяфта шать-
карьать?

— „Кода аф прдамс одонь
толганень:

Минь странаньке вдь пях ни
весагдошь,

Минь народоньке пях
почетнайгодсь.

Мархтонт пациянень, мацить,
келетян,

Карман лиема мон тинь стаясонт.
Тяни монга вдь меки

одкстомонь,

Тяни од ёнъца кармань думсема,
Мон од мороса кармань

морсема“.

Мархтост мацихнень яксяргсь
лиезь тусь.

Кармасть эрзятнень велькска
лиема,

Эрзянь веленяс озасть
ваймама.

А ся велеса кочки-пуропни
Эрзянь ава фкя одонь толганзон.

— „Ков, эрзянь ава, тяфта
аноклат?

Ков, сире пава, тяфта наряжат?
Пилькнень карьсить тон

карьса-практаса,

Акша келунякс пилькне
стройнайнят.

Ронгценъ наряжайть питни
паласа,

Перьфценъ карксайть тон гораж
пулайса,

Кафкса сямоса ожакиценъ
шайть,

Мази лентаса сотыть касаценъ“.

— „Кода аф щаян, акша мацянть,
*) Кавла—луга.

Акша мацянть, якстерь
сялдаскат?

Йоткстост эрзятнень содаф
ломанян,

Келес масторганк шуди славазе,
Йотась лемозе народть пилева.

Тяни тердемазь ошу, Москву,
Якстерь Кремляв монь тяни

тердемазь.

Учсесамань монь оцю соколсь
сонць,

Оцю соколсь тя—Сталин
ялганьке.

Монь народнай кудс тяфта
сявомазь,

Тоса каземазь якстерь орденац,
Якстерь знамянъ трудонь

орденац,—

Эрзясь сяда пях моли инголи,
Эрзятъ сяда пях валдомсь

такор киц.

Палы зарянйкс валдомф
мяштезе,

Вай, шинь стямак сон палы,
пееди.

Тейне мезенкса оцю казнеть
казсть?

Максозь мезенкса тейне тя
почетть?

Моран од морот эрзянь койса
мон,

Кайги вайгяльса ёфнян
валнянень.

Меки кенордан эрзянь велезон,
Эрй ломатне нийсазь

казнезень,

Пара мяльняса кармайхть
ашема,

Савор моронень кармайхть
морсема.

Нинге сяда пях карман
арьсема,

Карман сяда пях моронь
латцема.

Сембода геройсь минь
народоньке,

Вай, инь весялась родинаньке
минь!

Эрзянь кяльста йотафтозе А. Малькин.

Руководствати састь од, энергичнай комсомолецт

Сентябрь ковть 21—22-це шистонза Торбееваса йотась районнай комсомольский 8-це конференциясь.

Рабочай президиумть кочкамода меле вишке аплодисмент мархта делегатне кочкасть почетнай президиум—ВКП(б)-нь ЦК-ть Политбюронц во главе Сталин ялгать мархта.

Конференциясь йотась вишке критикань и самокритикань ала. ВЛКСМ-нь райкомонь секретарть Краснов ялгать докладонц коряс пренияса корхтась 25 ломань.

Сави азомс, што докладчиксь кафта частонь докладсонза лама корхтась райкомть и лервичнай организациятнень аф сатыксснон колга, но пях и пях кржа възсь ВЛКСМ-нь ЦК-ть XI пленумонц решениянц коряс, кодама положительнай результат сатсть перестройкада меле.

Конференциясь няфтезе, што комсомольский организациясь нинге аф сатомшка тюря партиять и правительствать исторический решениясн пашкодемаса. Тяфта, например, „Путь Ленина“ колхозса (секретарь Шулаевась), сыоронь урядамаса имафксня пачкотькшнихть 60 проц. Тяфтаможа фактт улихть „Светлый путь“ и „Ленин-онь киц“ колхозснень эса, кося мянь тьячимс ашезь пашкодъ государственствать инголе сыоронь анокламань планцон.

СССР-нь Верховнай Советть Президиумонц Указонц июнь 26-це шистонза пашкотькшнени пях лафчста. Тьячнень шити тисть прогол 28 комсомолец, конатнень эзда 8 ломатне атак таргакт судебнай оргаттнень мархта ответственностьс. Массово-воспитательнай работась законть разяснениянц колга населениять йоткса ладяф пях калдявста. Пропагандань и агитациянь комиссиять председателец Десятыйкин работась пях кржа, сембе воспитательнай работать кадозе эсь отям модемс, мезень сюнеда тьячнень шити 1500 комсомолецнень эзда палешкада ламосна атак фтякт „ВКП(б)-ть историйнц Краткай курсонц“ тонафнемаса.

Аш кода аф азомс сянь лангс, кода ВЛКСМ-нь райкомсь кочкась кадрам первичнай комсомольский организациятнени. Сави азомс, што тя ответственный тевти относились формальна. Тяфта, например, Сялишай поселкаса секретарькс кочкаф Панкрашкинц, кона нинге йотай кизоня имафтозе комсомольский документонц и тьяи аш кодамовок документонц. Тат. Юнкаса секретарькс кочкаф Китаевсь, кона шачсь 1909 кизоня, Салазгарьса Кривоноговсь—1911 кизоня шачф. Сидонга калдяв, мзярда ВЛКСМ-нь райкомсь отчетно-выборнай кампаният йотафтомда инголе изь макс 54 комсомолецонди комсомольский билетт, конань мархта лишил сянь избирательнай праваста.

ВЛКСМ-нь райкомть составс кочкафт од, энергичнай комсомолецт. Секретарькс кочкаф Степашкин ялгась, заместителькс тейнза Егоров и Иикина ялгатне. Кремнев.

Вельхозяйственной работатне йотафтфт образцовайста

Акшу велень „Од эряф“ колхозонь колхозникне тя кизоня вельхозяйственной работатненъ пашкодемаса сатсть пяк оцю успехт. Синь сембе работатненъ, кода, например, сьора урядамать, озим видемать, сьоронь тьялмать районца аделазь инь васенда. Сембе работатне тифт образцовай качестваса.

„Од эряф“ колхозсь тяфта жа пяк аккуратнайста пашкотькшесыне государственнай обязательстванонга. Сон районца васенцесь пашкодезе сьоронь поставкань обязательстванц.

Эряви азомс, што тяддень хозяйственной кизось ламода сяда касфтозень колхозонь ударникненъ и стахановецненъ лувксоннга. Синь рядозост сатсть од и сире колхозникт. Тяфтамкс, например, лувондовихть каньфонь водяй звенать звеньевойц Е. И. Кржиманкина и махорководсь Д. И. Кржиманкин ялгатне.

Кржиманкина ялгать звенац каньфть мельге якамаса няфтьс образецт, а сонь таргамасонза фалу работакшнесь нормань вельф пашкодезь, и тарксесь 0,05 гектархненъ вастс 0,08 гектаронь эрьсменати.

Махоркань водяйсь Кржиманкин ялгась эсь настойчивай работанц вельде эрь гектарста кочкась аф 30 центнерда кржа махорка.

Колхозникне нят замечательнай сатфксненъ сатозь массово-политический работат и социалистический соревнованиянь вельде. Тя сембе работать возглавлял комсомолец Иван Ямашкинц.

Тяни колхозонь правлениясь вяти пяк оцю работа сьороть трудошис коря явоманц колга. Тя кизоня „Од эряф“ колхозонь колхозникне эрь трудошити получахть аф 3—4 килограммада кржа зерновой сьора.

Храмов.

Шайговань район.

Советский литературатъ развитиянц колга лекция

Сентябрь 24-це шистонза республиканский центральный библиотекаса йотафтфт советский литературатъ развитиянц колга научнай и пяк обстоятельной лекция. Лекциять тиезе СССР-нь Советский писателень Союзть представителец Киреев ялгась.

Лекцияса ульсть Мордовиянь писательхне, пединститутонь студентти советско-партийнай работникт.

Киреев ялгась пяк обстоятельной характеристика тись советский выдающийся писательхненъ творчествасонды. Лекторсь корхтась А. М. Горькийть, В. В. Маяковскийть, М. Шолоховть, А. Толстойть и лама иля крупнай писательхненъ творчествасон колга.

Лекцияда меле МАССР-нь ССП-нь правлениянь ответ. секретарец Филиппов ялгась пачфтсь кулхондыхненъ мяльс сянь колга, што сентябрь 25-це шистонза сявомок йотафтови 10 научно-литературнай лекцият классикненъ и советский писательхненъ творчествасон колга. Лекциятне улихть тифть республиканский центральный библиотекаса 7 частста сявомок 9 часттненди модемс илять.



Зенитнай артиллериянь всеармейский тактическо-стрелковой состязаниятне. Состязаниятненъ эса примосихть участия лучшей батарее, конат сатсть сембода оцю успехт кизоть йотамс, инь пяк боевой стрельбатненъ эса.

СНИМКАСА: Состязаниянь участникне, огневой подготовкань отличникне, якстерьarmeeцне, конат казфть „Отличник РККА“ значокса, комсомолецне (кяржи ширде види шири) А. В. Гоциридзе, А. А. Коваль и С. Т. Ополярсь. (Московский военной округонь Н-ский часть).

Фотось В. Шаровскийть. (Фото-клишесь ТАСС-ть).

Деятельна ушедсть работама

Сире-Шайговань средний школаса активнай общественик учительхне няфнихть оцю инициатива добровольнай кружокненъ работасон вишкотема. Школаса улихть ОСО-нь, СВБ-нь, МОПР-нь организацият. 130 ученикненъ улихть обороннай значокса. Тяда башка эряви азомс, што тяддень тонафнема кизоня, военрукть Прит-

воров ялгать руководстванц ала, организовандаф фото-любительн кружок, коса оцю мяльса 50 ученик тонафнихть фотографический тевть.

Сире-Шайговань средний школань ученикненъ йоткса военрукть руководстванц ала мольфтеви оцю работа обороннай тевть тонафне-маса.

Л. Ф.

МЗЯРДА ЖА УЛИ ПИНГЕ?

Сире Иссаприя велень средний школаса аф йолма пионерский организациясь. Сонь эсонза лувондови 250-шка стирня и цьораня. Сембонь синь мяльсна работамс, эрямс живой пионерский эряфса.

Но иттенъ требованияхон, кода эряви синь аф удовлетворядакшнесазь. Пионерхненъ йоткса аф вятеви кодамовок воспитательнай работа. Пионервожатыйхне, а сяка лувксса старшай пионервожатыйсь Казанцев ялгась нинге афи арьсекшихть кярмодемс иттенъ мархта работати. А комсомольский организациясь юкстазе, што иттенъ коммунистический воспитаниясна—сонь фкя инь васенце ответственный задачац.

Тевти тяфтама безответственности сьонед пионерхненъ йотк-

са пяк калдяв дисциплинась, лямотне аф маштыхть культурна пряснон вятема—таргайхть, сющихть визькс валса, тюрихть, сялондыхть.

Пионерский активсь аф вестъ энялькшнесь пионервожатыйхненди и комсомольский организацияти, штоба синь максольхть лезксладямс пионерработат, но синь иляткшихть глухойста и оправданиянди азонкшихть аныцек сяконь, што аш пинге. Мзярда жа кармай улема синь пингсна? Аф солдасакь.

ВЛКСМ-нь Инсарский райкомти эряви лездомс Иссаприянь школань пионерработникненди и комсомольский руководителхненди, штоба синь мульхть пинге и курокона ладялезь пионерхненъ йоткса работат.

П. М.

Содсоревнованиянь знамать ала

Глушка велень средний школаса кода ученикне, а тяфтажа учительхнеков эсь йотковаст кемоксасть социалистический соревнованиянь индивидуальной и коллективной договорхт, конатненъ эса эсь инголет основной задачкас путозь школаса трудовой дисциплинаць кемокстаманц, успеваемость 100 процентс касфтоманц и внешкольной работат образцовайста ладяманц.

Тяда башка, Глушка велень средний школань ученикне и учительхне кемоксасть социалисти-

ческий договор. Тяка жа райононь Б. Полянка велень средний школань коллективть мархта.

Эряви азомс, што ученикне и учительхне эсь лангозост сявф социалистический обязательстванень честь мархта пашкодемасон инкса тюрихть пяк оцю настойчивостьа. Тяни школаса ламода сяда цебарьгодсь иттенъ коммунистический воспитаниясна и синь йотксост внешкольной работаське.

Н. Лобанов.

Кадошкинский район.

Книгать—массатненди

Сире Иссаприянь средний школаса библиотекарькс работай Аксенова ялгась. Кельгсы сон эсь тевонц и прилежайста отнositейнза. Ученикненди и колхозникненди сон азонкшнесь художественнай литературатъ значениянц.

Тянь вельде, школаса ученикта

башка, сон лама читатель привлекадась колхозникненъ йоткстовок. Колхозникне кельгозь литературатъ и систематически лувондыхть всякай книгат, касфнесазь эсь политический и культурнай уровеньон.

Липенкин.

Инсарский район.

Французский Индо-Китайса положениясь

ЯПОНСКИЙ ВОЙСКАТНЕНЪ МАРХТА ФРАНЦУЗСКИЙ ВОЙСКАТНЕНЪ СТОЛКНОВЕНИЯСНА

Кода ни пачфневсь куля сентябрь 22-це шистонза Французский Индо-Китай японский войскактненъ сувамасон пингста Дондано районца ульсть столкновеният Японский и Французский Индо-Китайнъ войскактненъ йоткса.

Рейтер агентствась пачфни куля, што сентябрь 23-це шистонза французский Индо-Китайтъ границасонза аф ичкезе Донданть эзда бойхне ушедсть тага. Японцеве действовандасть авиациять лезксонц вельде, кона бомбардировандась границатъ ваксста французский войскактненъ и аэродропненъ.

Американский Юнайтед Пресс агентствась пачфни куля, што японский армиясь, конац йотафни операцият Кантонть районца, сентябрь 23-це шистонза атаковандазе Лансонть—французский Индо-Китайтъ границасонза важнай пунктть. Японский бомбардировщикне кафксть тиендсть налет тя пунктть лангс. Японский войскактненъ и Лансононь гарнизонтненъ йоткса мольсь артиллерийский ляцендема. Агентствась сьормады, што французский кружкненъ эса столкновениятненъ инкса ответственность путнесазь японцевне лангс, сяс мес соглашениять коряс японский армияти, конац вяти операцият Кантонть районца, атак мярьговтель сувамс французский Индо-Китай.

Американский Ассошиэтед Пресс агентствать корреспондентонц соображениянц коряс, Хайфоншта пачфнихть куля, што французский войскактне „апак шарьхкодть“ тисть сопротивления японцевнеди, конат эцесть Индо-Китай Дондан районца.

ФРАНЦИЯСА КИТАЙСКИЙ ПОСОЛТЬ ПРОТЕСТОЦ

Юнайтед Пресс агентствать сведениязон коряс Францияса китайский посолсь Веллингтон Ку азсь протест Ханайса подписаннай франко-японский соглашениять каршес. Посолсь азозе французский иностраннай тевонь министрти Бодуэнтти, што Китайсь кадонды эсь мелганза действиянь полный свобода. Посолсь нинге вестъ азозе, што правительствать ули правац примамс любовай оборонительнай мерат, тяконь йоткс сувафнемок французский Индо-Китай войскактненъ кучемать.

ФРАНЦУЗСКИЙ ИНОСТРАННАЙ ТЕВОНЬ МИНИСТРТЬ ЗАЯВЛЕНИЯЦ

Кода пачфни Французский Гавас агентствась, Французский иностраннай тевонь министрсь азозе, што японский армияти максф права валхтомс Индо-Китай аныцек войскакт аф оцю лувкс. Товкинца японский армиять распоряженияс максфт колма аэродропт.

Франциясь, Бодуэнтъ валонзон коряс, пачфтсь куля Китайти, што сон неможет нолдамс, штоба китайский войскактне йоталезь Индо-Китайтъ границанц.

(ТАСС).

Ответ. редакторсь И. ЧУДАЙКИН.